



顧梁汾先生書

判袂一十餘年，桐園之名既成，願且遂矣。懸知近歲風采倍常，而玉山朗朗在老人心目間者，尚依然向日桐園也。憶曾有拙詩題金縷曲云：人因慧極難兼福，天與情多卻費才。後聞恰續鸞膠，便亦嬾尋魚素。然未嘗旬月不厯企想，忽承來翰，深荷見存。欲令野老姓名附尊詞，以不朽而厚意虛懷。至如昔人所云不蘄其知，吾之所已就而蘄其知，吾之所未就，抑何問之下而恭也。年力如桐園夫孰得而輕量其所就者，而余因竊歎天下無一事



不與時爲盛衰試即以詞言之自

國初輦轂諸公尊前酒邊借長短句以吐其胸中
始而微有寄託久則務爲諧暢香巖倦圃領袖一
時唯時戴笠故交擔簦才子竝與讌遊之席各傳
酬和之篇而吳越操觚家聞風競起選者作者妍
媿雜陳漁洋之數載廣陵實爲斯道總持二三同
學功亦難泯最後吾友容若其門地才華直越晏
小山而上之欲盡招海內詞人畢出其奇遠方駿
駁漸有應者而天奪之年未幾輒風流雲散漁洋
復位高望重絕口不談於是向之言詞者悉去而

言詩古文辭回眎花間草堂頓如雕蟲之見恥於
壯夫矣雖云盛極必衰風會使然然亦頗怪習俗
移人涼燠之態浸淫而入於風雅爲可太息假令
今日更得一有大力者起而倡之衆人幡然從而
和之安知衰者之不復盛邪故余之於詞不能無
感而於栩園實不能無望雖然將何以益栩園唯
余受知香巖而於詞尤服膺倦圃容若嘗從容問
余兩先生意指云何余爲述倦圃之言曰詞境易
窮學步古人以數見不鮮爲恨變而謀新又慮有
傷大雅子能免此二者歐秦辛陸何多讓焉容若

蓋自是益進今栩園之傾倒於余不減容若且此
中甘苦皆能自知之而自言之二者之患吾知免
矣讀其詞者方不勝望洋向若汔焉而莫測其所
就而猶欲然自以為有所未就何也倘亦有及之
而後知履之而後難者乎吾又以知栩園之所就
有深於此矣而何以益栩園邪栩園行以名進士
出宰百里抵都時倘舉余語質之漁洋必有相視
而笑且相視而歎者起衰之任幸已有屬但不知
我輩猶及見否耳秋暑長途珍重珍重不備七月
二十六日石倦山樵顧貞觀頓首復

余兒時於故紙中搜得花間草堂詞妄以意為句
讀攜之鄉塾時時竊觀之客有言之先君子者先
君子知而哂之然亦弗之止也已而復以意竊為
之一二同學少年相傳以口鄉先生黃艾菴謬許
其能家椒峰先生且為之序庚午前所刻是也而
老成之風媿未逮焉十餘年來當代之君子薄填
詞為小道而知其解者益鮮往往俳優之習與銅
琵琶鐵綽版交譏又其甚者求新不得而好為澀
體一物而必異其名識者笑之夫古人之詞即古
人之樂府其宮調雖不傳而志氣之和平音節之

微婉頓挫及今猶可知也情之發也必有所止不
淫不傷風人之旨也吾得之以治其心則有以清
詞之源不為物之所役而優游漸漬以俟其有成
亦若有數焉存乎其間似密而疎似近而遠而後
其於詞也乃能奄有衆長而去其所短言人之所
不言而亦可言人之所言詞小道也工之者難蓋
如此工之者方將忘乎人之見以自樂乎此雖他
途之美勿與易也然亦豈有二道乎是在知其解
者而已余雖力悔前非學焉猶未逮也貧賤奔走
風雨寂寥之中童心不免而典型凋謝感慨係之

年來亦絕口不復吟矣舊藁散失篋中所餘如干
首閱之如叔子弄環前因髣髴可記或亦結習使
然因次其時之前後彙為四卷又以余向者固嘗
弃之題曰棚園詞弃藁而識其緣起如此以發為
士者之笑云甲申立秋前五日毗陵陳聶恆自題
於且樸齋

栩園詞彙目錄

卷一

七十有四調

卷二

六十有九調

卷三

七十有七調

卷四

七十有七調

栩園詞弁彙目錄

栩園詞弁彙卷一

毗陵陳聶恆會起一字秋田

百字令

自題
詞集

何事干卿向歌筵紅豆拈來如擣滴粉搓酥兒女
態也要蛾眉澹掃夢蹋楊花醉題桐葉只恨春歸
早相如妖麗上宮閒館誰到有分展卷爭訶盈
盈句裏謾寫人年少數片肉應相似耳認是嘔心
須笑有冢埋文莫教枝上又誤栖鴛鳥生天墮地
任他隨意顛倒

南歌子

細雨纔搓柳微風又試花燕兒好在未成家到得
將雛時候已爭差

又

鳥向茅檐靜泉行花徑涼吟情黯澹近斜陽不道
茶煙一縷似回腸

醉公子

門徑鶯聲小是處游絲裊人凭玉勾闌也如春意
閒一線梧陰缺新落檐牙月窗外碧沈沈難將
幽夢尋

江城子

帳深千蝶有誰驚綠窗聞早鶯曉妝成女伴相邀
歡笑似平生忽見海棠花色褪眉黛斂又多情

又

畫屏人在繡簾垂舞疑嬌燕飛勸深杯悄倚迴廊
影裏看斜暉淚向落花飄易盡還付與笑聲催

長相思

夢移時醒移時綠隙風來燈不支餘寒入繡幃
一聲鴉一聲雞窗影無花月又西同袍那得知

河滿子

虎丘

簾幙定饒衫影樓臺自有簫聲愁絕百花洲外路

半塘煙柳初晴為問真孃墓在酒壚人笑狂生

風中柳

靈巖

一榼尋花又向最消魂處謾憐他英雄兒女梵音
淒絕換年時歌舞賸荒臺幾層煙樹履迹依然
片石千年無主是吳宮風流畫譜修廊閒倚乍梧
陰疎雨似還有屨聲吹去

虞美人

桃花豔到傷心處一片隨流去池塘水面不多寬
彈與美人清淚綠痕圓者番無力飄歌扇珍重
郎偷眼相看休只怨東風但是十分春色易成空

醉花陰

用漱玉詞韻

一番細雨簾垂晝煙冷鑪中獸愁似遠山青嵌入
眉頭幾度勻還透可憐人去天涯後倦倚閒窗
袖又早是春殘綠影淒迷蠶背花鬚瘦

百字令

閒情閒緒憑誰數紅豆拈來堪記已過風光三月
半那得春如蔗尾未許成愁只疑有夢暝色能消
幾牀頭一榼不須豪飲先醉燕婉須及良時意
中人去後暮雲千里樓角青青遮不斷容易一枝
連理澹月林亭暗香池館淒絕簾垂地無慘空憶

杏梁雙燕歸未

漁家傲

真箇今年春去早
賺他鶯語丁寧好
是處綠陰庭戶
悄愁多少
枉教買斷榆錢小
挑菜前
君閒過了
鈿車冷落西陵道
一抹煙青湖上草
和斜照
分明打出傷心橐

南歌子

宿山心堂

竹塢清陰淺
梧窗夜色重
不無幽夢落花中
料理斷魂歸去
五更風

望江南

林亭好
敲枕不勝情
幾陣蕩絲風
力更醒來無語
聽蟬聲
底事暗消凝

虞美人

七夕

玉枝花面秋無價
誰在簾兒下
人間何地不風波
畢竟天邊猶有鵲填河
微雲未接應
遲過也復
凝於我
鍼樓閒
凭眼應穿
盼得紅絲入手
是何年

黃金縷

過黃艾菴先生鷗邊小閣

簾卷一層波
萬頃嫋嫋風
生吹得斜陽冷
看盡小橋秋樹影
落殘松子香猶賸
此夜不成還獨醒
韻殺花前愛酒人
微病已到月明歸
未肯隔谿飄

渺傳僧磬

一叢花

無端敗葉舞重檐曉枕薄寒添早秋天氣關心事
比春來更覺厭厭鵲解填河鶴知警露愁絕但垂
簾 午窗無夢有誰忤那禁雨廉纖尊前便是天
涯路味相思不似酸鹽衰柳難眠哀蟬易咽觸目
已成嫌

瑤花

秋雨

苔階寒翠滴損無端儘閒門深閉冥冥似夢千萬
縷記了不堪重記斜風吹去漸響入芭蕉心裏又

飽他一片啼螿引出斷腸秋意 已判破卻工夫
任香冷熏籠鐙下愁倚殘更挨盡人倦也又一聲
聲驚起枕邊偷數可還有未揮清淚便夜來得與
同聽也只魂消無地

江城子

秋風

約看窗下見卿卿別來秋恨成擣衣聲和月簾櫳
吹與玉關情聲到斷時情更苦還吹汝淚縱橫

月上海棠

再詠秋風

井梧飛卻聲無數只蕭蕭瑟瑟繞庭樹遠更呼號
似憐人月明碁杵淒清也碁杵由來最苦 夢殘

正是無尋處蕩簾鉤誰在暗廊語有限黃花忍吹
他瘦來如許疎狂甚又送空城夜雨

荷葉杯

九日

知是今朝無雨為補彈淚溼花枝問花何事亦離
披不語也依依十二層城須上偷傷從此會神
仙瑤臺原不異人間休唱短姻緣

感恩多

背鏡閒枕手心事如無有小窗纔月明竹梢橫
夢也天然不穩一聲聲一聲聲落葉空階有時孤
鶴行

定風波

題畫

窄地谿聲裏月流柳絲拖得一痕秋旅雁避人飛
不起煙際片帆穩穩載閒愁憶自采蘭人去後
消瘦不堪重對白蘋洲似此風光都付與鷗侶蘆
花斜覆夢魂幽

菩薩蠻

酒醒著意消殘雨有時顧影聞私語何處采芙蓉
瀟湘煙水中斷蟬聲屢咽已下亭皋葉別緒薄
於秋斜陽一半愁

蹋莎行

秋雨肥生秋花瘦死畫樓倚了還重倚天涯真箇
不藏愁卻來一寸看心裏 夢亦疑醒笑還是淚
鴈邊聽盡無慘意自難分曉況他人教人何處端
詳起

臨江仙

日人

曉色也知晴更好檐前幾朵花新剪刀聲在隔窗
聞釵頭雙綵燕切莫便銜春 未便有情如七夕
合歡消息難真東風吹縐小眉痕不成還是夢又
似隔年人

攤破浣谿沙

花下
偶題

春到南園冷未收無慘長只為花愁妒殺蠶兒來
又去采香遊 聘得海棠纔滿願壻將芍藥又何
求眼底便教開易謝也風流

何滿子

綰出靈蛇髻聳拖來鬪鳳帚長修竹閣中看女訓
采蘭志裏神妝但是略窺書卷風流不比尋常
長笑意錢癡小何須撲蝶輕狂賴有諸兄閒筆研
花前消遣年光羅帕侍兒偷展怪他也畫鴛鴦

長相思

晴也宜雨也宜竹嫋千竿柳萬絲雙棲只一枝

東家王西家施嫁作鴛鴦兩小時生來不獨飛

囉嘖曲

不喜思殘夢為他易惹愁金鑪香自裊花影對梳頭

又

恃得郎君愛呼來著鏡中也教花似面容易笑春風

買陂塘

題梅亭
樂志圖

似羅浮夢中曾遇幾間屋覆花裏一枝難得春光
早說與美人須記簾乍啓看點點東風弄影搖烏

几人生底事但清酒三升異書千卷已悵眼前意
朱闌外輕颺茶煙似水飄來鐙好須試銀筆重
與調銀甲知有玉臺新製和笑倚只語在睂峰全
不分頭尾寒添半臂又引得柔情一番無那樹杪
月華起

一斛珠

兩竿紅釀隔籠鸚又如人喚養孃捧出教勻面未
到妝成未許簾兒卷梳裏朝朝隨手變釵頭綵
勝從新翦一枝也要商量徧笑殺檀郎擲與花前
眼

瀟湘神

如不如如不如手攀玉藥問人初怪底小眉常澹
埽朝來偷換素羅襦

春霽

酬毛行九
白門見懷

為燕尋人乍簾卷東風柳絮飛入虛翠生愁空香
惹夢又過采蘭時節小樓擲笛雨餘春也嬌無力
念上國何限莫愁湖水斷腸客 為問此際誰舉
芳尊可航齋中閒品花色便烏衣斜陽一片興亡
何與鬢毛白幾許悶懷消未得鎮日間望青了有
底還青是萋萋草是漸漸麥

又

前韻
蔣御青

為聽江潮笑孫楚樓高倚醉偷入浣沼湔裙橫林
挑菜負了禁煙佳節謾吹玉笛落花正費東風力
又水國門外蒲帆來往販茶客 南浦去後寂莫
鷗邨是人無膠春也無色怯餘寒重衾醉擁夢多
容易小窗白為語亂鶯啼不得但赤闌外忍見翠
浪霑天一痕兒柳一痕兒麥

醉公子

梅雨今番過幾葉芭蕉大蠅拂裊紅絲春纖和袖
垂池上誰家女休折團荷去畢竟晚風寒畱他

護錦鴛

又

暝色如人薄一片遮樓角已是不成愁
鐙前嬾卸頭畢竟涼生夜下了珠簾
罷明月也多心先來照繡衾

風流子

小艇

驚開魚婢影誰相喚真箇字蜻蜓笑風正一帆輕
如紈扇浪平雙槳銳似霜翎唱歌去陰陰新綠罇
低拂柳絲行能受落花載同鶴夢慣容殘照移赴
鷗盟閒聽波光裏隋隄路坎坎伐鼓揚舲一葉
駕來如畫無限幽情只詩卷釣竿漫攜左右筆牀
茶竈未許縱橫為是半谿春色愁重難勝

沁園春

鴛鴦

兩小無嫌天然珍偶此意分明向相思樹杪哀鳴
未已合歡花底香夢初縈浴浪風微眠沙日暖杏
粲攀時春恨生秋江上便菱荷枯折疎雨同聽
蓮舟少女盈盈羨人世離愁了未經費心絲一翦
錦機挑出淚痕幾縷繡榻描成飛上羅裙偷來翠
被灘驚何如此日情風流社問誰教打鴨喫盡虛
驚

青門引金魚

點綴荷錢荇紅似晚霞低映凭闌暗與美人期橫
波偷接掠徧水中影 生來不作江湖興也復如
花靚有時掬向纖手免教出沒愁無定

錦纏道貓

數徧菩提一捻更如堆絮待呼伊女奴差愈顧蠶
捕蝶年時語又向花陰睡過閒亭午 繞螺窗幾
回偎他金縷肯無端掌中擎汝笑夜闌鴛帳春風
影乍羞紅燭有底窺人處

河傳

春去何處鈿蟬箏彈到無聲暗驚此時可憐山月
明淒清有人窺畫屏 識字一生應笑死相思字
識了還忘記撚花枝蝴蝶兒乍飛憶他紅袖垂

於中好

吳俗重五前後懸鐘長竿兼有歌吹遊
人不減上元病臥得閒齋悵然有作

若榴亭畔紅相亞又門外水嬉初罷六街鐙火依
然也問誰在珠簾下 一生嬾況煙將化任新月
暗移鴛瓦枕頭慣作無慘話想香裏歌珠灑

百字令

護香廊
白蓮

翠房扶出看新妝滿面玉容誰比幾隊紅衣爭避
路那得胭脂盡洗酒暈旋消粉痕輕注一段悲秋

意凌波微步素心愁絕難記 不道夢隔湘江銀
河低轉水簟人初起手弄生綃肌似雪一樣香幽
於水入夜涼侵和煙月浸別是閒風味空房應怯
玉壺為貯清淚

御街行

並頭蓮

今番償了相思未看兩兩新妝倚鴛鴦湖上月初
圓一樣關情無比蘭舟爭妒水天良夜誰擁交紅
被 不堪同夢愁如此又晚色涼風起合歡消息
付東流簌簌雙垂清淚他生卜得一絲兒蕩猶有
連枝意

浣谿沙

蟋蟀聲中怨易長五更添得被頭涼西風已有幾
分狂 松為迎秋高作塢蓮因怯夜小成房峭寒
將近好思量

又

坐待三更恨二更草根露冷百蟲鳴西南鉤月為
誰生 翠被寒深愁獨夢畫闌風細憶雙憑斷腸
鐙下剪刀聲

南鄉子

己巳重三

燕子語喃喃一片晴霞滿畫檐記起常言三月好

初三薺菜花兒單布衫
煙柳石橋南梅豆纔圓
筍透尖行向水邊人尚早
厭厭可也梳頭喚卷簾
轉應曲

微雨微雨不道落花心
苦曉風寒透羅衣纔卷珠
簾燕飛飛燕飛燕又是一番相見

減字木蘭花

衫裁杏子才是三眠蠶
欲起陌上誰家又指春山
唱采茶 鶉鴣聲急拾得楊花
和恨立抱向空枝
作箇蠶兒事已遲

百字令

酬沈香山
寄贈原韻

柳綿飛也問春愁此日如何是
了偶向東風吟斷
句消得幾番昏曉月冷西樓
花殘南陌淒絕何須
道阿誰芳字乍開封已香裊
爲問消瘦東陽甚
時攜手雪夜應移櫂
記取吾廬疎柳外峰影一闌
青小大泖潮通細林地近望裏
斜陽悄黯然此際
接天無柰煙草

附原倡

沈椒

張弦待鼓問若箇指下曾中了
了流水移情傳
逸響清入梅花月曉腕縛春魂
筆拖豔影語肯
經人道舒空一縷暗香展卷猶裊
玉蟲翦盡

寒更芳吟詠徧怨阻山陰權衛虎丰神才杜牧
年比周郎正小妒殺蘅臯獨搖象管門掩東風
悄靈修誰寄一枝聊折江草

又得御青都門
手帖二用韻

酒隨花意問何時便與蔣生斟了曾送君家騎馬
去細雨一痕秋曉游子他鄉居人此際愁絕憑誰
道穿簾又見舞餘嬌燕風裏有客雙鯉遺來相
思訴罷促我江干擢身賤難酬知己意夢斷燕臺
月小不是蛾眉肯教人妒門掩梨花悄王孫歸未
怨他無處無草

又出東郊
三用韻

谿光一線似美人斜擲橫波未了也復看梢青欲
絕江上數峰春曉竹外僧樓柳邊漁市人在山陰
道游絲戲蝶愛他袖底時裏便擬酤酒前邨斷
橋誰渡招箇迎風權走向當壚謀一醉看足衫輕
髻小笑指銀餅狂歌金縷樹尾蟾痕悄謾愁歸路
倦眠還藉苔草

又曉行四
用韻

柳梢斜月似行人一縷閒愁未了殘夢續來還易
斷怯聽疎鐘沈曉霧薄常迷樹濃猶認古刹山根

道驚鳥拂下版橋曾見霜裊 為問流水濺濺朝
來官渡若箇移蘭櫂又到寸腸淒絕處馬滑肯憐
人小何似敲眠蕭然漁艇雨溼萍花悄不堪前路
綠搖無限江草

買陂塘

院深深篆消千縷得晴聊把窗敞夢回好便鉤簾
坐小病落花風釀停更響愛繚繞桐陰幾對鶯相
向茶煙細颺乍卯酒醒時暗香吹到一笑可登掌
雕闌外知是荼蘼欲放朝來應綻三兩湖山石
畔攜纖手消得者番幽賞平糝上又一徑楊花白

盡添惆悵池塘草長算九十春光相憐無幾已作
隔年想

又

是耶非輭波輕瀉晴窗遙望如綺補天殘片誰拋
下一徑暗穿魚婢新雨霽看小隊紅衣爭笑香無
已涼生袖底便皮陸當年也來湖畔長向筆牀倚
人間世中座波濤慣起好攜煙艇偷避一蓑買
得青苔樣從此吳頭楚尾閒更記有幾對馴鷗盟
在尋猶未圖成斫脍問何事須歸前谿月冷已照
蓼花裏

芭蕉雨

立秋

曉簟依然不寐暗涼徐沁入窗紗裏待綰綠雲猶未
未秋勝翦向釵頭同心有幾玉闌干下倦倚將
落葉偷記知自此樹間聲無已便棄扇也關情顚
顚已是羞郎西風又起

江城子

朝來似為鏡鸞羞無言還倚樓不梳頭顚顚殘妝
風韻卻宜秋不道海棠秋更瘦人瘦也替花愁

減字木蘭花

晚眺

城東歸路菱港人來酤酒去欸乃漁舟一葉蘆花

滿地秋 絲華何在難問離宮煙草外老盡垂楊
猶有寒鴉送夕陽

點絳脣

再訪春草軒桃花

流水依然桃源未是重來誤半窗紅雨人在花陰
住 幾怨飄零又逐游絲舞春何處鶯兒如訴應
也憐前度

沁園春

憶山心堂海棠時已為風雨摧折

曾遇花妃山心堂後真箇妖嬈向晝陰初見渾疑
似醉暮霞纔上便欲成眠錦障橫陳絳紗低映銀
燭燒時影最妍吾何恨是淒風吹雨入夜絲絲

淋鈴曲子曾傳待手按瓊簫淚已懸只暗飄幽砌
榆錢尚小閒穿芳屐蝶粉還鮮萬里招魂一生尋
夢到此心情易惘然重來也看成過笑晚知是何
年

定風波

已春泊舟采菱溝西一里間隔簾歌聲即余南歌
子細雨纔搓柳詞也再過惘然亦幾迷所往矣

池面橫鋪一幅羅是人燕畫檐過吹入玉笙寒
未了應笑阿誰偷付雪兒歌 依舊春風翻錦浪
雙槳悶將花榮手輕按門徑看來都不似猶記簾
垂弱柳亂鶯多

又

觀演一
種情

玉鏡臺前誓欲寒人間聊復博餘歡畫艇濤聲和
夢卷魂斷遊仙容易見郎難 貧壻如珠應妹伴
休怨妾身無那是緣慳鐙下兩行紅粉淚須記有
情原不礙生天

風入松

松棚西面小荷亭階下走泉聲一編秋水消殘暑
問醉鄉可便涼生梧葉藤梢掩映笛牀茗椀縱橫
阿誰紈扇拂衣輕人似玉壺冰今宵待看新圓
月繞花陰戲撲流螢正是蘭湯浴罷髻叢茉莉香
清

虞美人

庚午七夕

如無似有傳香遠人在深深院何須隔巷看停車
正是渡河時候月痕斜合歡花朵相思子說與
關心事凭肩有約肯徒然已判他生慧業不生天

點絳脣

過雲間張文研
銘月聽軒畱飲

老去詞人可憐猶有悲秋意鬢絲顛顛判向花前
醉肯便忘年攜手論心事闌干倚斜陽如水一
片芙蓉淚

唐多令

泊吳江垂虹橋余舍東小橋
亦名垂虹明王文肅手題

一色玉玲瓏舟行明鏡中蕩餘波幾處簾櫳試凭

赤闌看夜色可還有水邊楓邨舍斷橋東輕橈
處處通雨初晴秀出芙蓉一葉秋帆歸路近垂釣
去鯉魚風

鵲橋仙

夜泊
虎丘

闔閭城冷伍胥潮猛愁絕不如歸去片帆和月出
山塘尚聽得閨門更鼓清歌欲斷遺鈿堪拾寂
莫可中亭路人家賣酒一鐙紅且醉向谿山佳處

二郎神

金陵
懷古

金陵路已老卻垂楊千樹眼見那空城潮暗打猶
自帶六朝煙雨此地休誇饒王氣只饒有清歌妙

舞又助美江山一片俊殺宮人詞賦 行處金蓮
再見窈窕微步一樣是降幡城上挂且博得風流
千古春水東流愁不盡又何似無愁易與也休問
興亡觴月樓高今還在否

虞美人

雨花臺
晚眺

登臨何用傷今古試看斜陽雨藏鴉楊柳尚風流
可惜一番顛顛一番秋 青袍白馬尋常有作賦
誰高手雨花北望見臺城曾否當年早與說無生

又

青谿

南朝甲第今烏有一片荒煙柳嫦娥不復住臨春

何況費才江令宅無人 蔣侯三妹青谿廟枝葉
相依少風吹日暮易魂消愁蹋年時明月過中橋

桂殿秋

攀桂影一身秋月斜扶上木蘭舟姮娥不管人離
別喜到睂梢便是愁

栩園詞弁彙卷一

柳園詞彙卷二

毗陵陳聶恆曾起一字秋田

點絳脣

趙北口

水色初明漁罾一簇斜陽外柳隄如帶賣酒旗兒
在望裏吳船好趁歸帆悵春無賴梅花未敗已
有人挑菜

一枝春

鐙前梅影同
狄立人賦

幾日東風乍黃昏炙得鐙兒門閉橫斜滿眼錯認
一枝臨水紅添額暈似羞向綺窗偷倚誰寫出千
點酸心付與苦心人記
銅荷謾垂清淚為三生

笑在移來檐底相逢是夢也有玉堂春意何由折
贈且畱伴夜寒無寐判瘦損同到成灰暗香未已

步蟾宮

曉出廣寧門

天門遙啓春雞唱乍和夢雕鞍扶上團團曉露溼
痕收已減卻紅塵十丈馬頭一抹西山爽總輸
與閒雲來往賣花簾下客初過又芍藥豐臺偷放

金縷曲

亡婦龔結禱三年同分荼苦庚午冬計偕北行遂成永
訣未夏言歸不勝望廬思人之歎感時觸事倍難為懷
淒咽之聲非云怛化亦以
訴厥生平情不自己云爾

添了三生怨啓簾櫳歸時更比別時腸斷下第不
羞來趁早因是鹿車堪輓笑得失紅綃輕電此別

果然成死別便上林春好吾何羨千萬恨有誰見
征帆欲挂愁無限爲緇塵露衣不惜好加餐飯
瘦骨可憐還似舊鏡裏綵鸞驚散長自繞空房尋
徧寂莫屏幃閒繡鴨但落花和淚風吹滿闌底又
紙灰卷

又

兩小同心惻最難忘左家嬌女髮垂肩日謾道曉
妝隨手學纔學畫眉狼藉怨則怨秋風偏急堂後
已無萱草在向丁香求母何時得空卷作腸千結
喘絲欲斷全無力尚從頭提將幽恨不勝於邑

婦少失恃與余同病
聞疾革猶以此流涕
此去將雛勞綵鳳相見應加憐惜只
有我黃泉未及地下言歸聊一笑莫多情又向人
間憶生死路總霑臆

又

生世無他羨笑清吟屏風幾曲曉來聽慣拔與髻
叢釵一股知是異書纔見換小閣芸香吹徧也為
無衣搜畫篋早裁成草綠春衫淺機杼役肯辭倦
細腰杵冷閒庭院乍經新無端已故此情堪歎
雙淚朝朝淹袖底破也更無人管認不起年時鍼
線賸有花蟲殘卷在最堪傷誰向窗前展和素紙

倚風翦

又

剗地花如埽怨東風未容結子五更寒峭不道幽

蘭香第一開向夢中偏早又化作靡蕪秋老

仲春月
吉曾舉

丈夫子不
終日而卒

莫也預知今日恨省無依短算先歸好聽月

峽猿啼曉 求凰已不禁煩惱再休言天生雛鳳
數聲雲表思子臺邊何路近覓向夜臺應到算只
有斷魂先繞枉卻釵頭簪一朵是忘憂又說宜男
草兒女意儘堪笑

又

未死長憐女為花枝含香欲放一番淒雨每憶迎
人微笑意便下淚絲千縷應此際同歸偏遠白骨
投懷知更慘小年人可解承歡去孺子耳伴朝暮
女蕙甫周
先婦卒 蒼茫蔓草煙邨路聽松聲蕭蕭到晚舊
情疑訴荒冢暗連斜照裏也當團圓相聚歎骨月
傷心如許自恨死前艱會面繞橫碑哭徧埋愁處
怎地下了無語

又

記否明蟾影小樓邊閒攜素手藥闌人靜慣話愁
心消永夜便怕光分鸞鏡早已為而今淒哽但到

圓時知易缺再來緣已向生前訂揮淚去溼蒼冥
瑣窗此際慵孤凭又花梢冰輪謾涌倩誰消領
若是芳魂還向月應照憂來耿耿好暫趁餘輝相
竝似厭空牀明復暗伴無眠未必姮娥肯清景下
恨重省

又

野岸停橈後恰三更依稀小話別來消瘦說與刀
環當日約千點淚痕露袖還認作尋常攜手撲漉
沙鷗綠底事已催人到死離鴛偶空一片濤聲走
南歸舟次夢與婦話別
計之即委脫之期也 故房此夜閒相守不成眠燈昏

紙帳夢魂何有不道客衾腸斷事也是歸時難又
早緣隙風來酸透何日遲君山枕底問他生只似
今生否孤鶴恨那堪受

又

好手今誰是仗丹青分明寫出月中環佩修短濃
纖模樣在幾度看來不似只掩卷依稀猶記京兆
看兒曾與畫笑旁人那識其中意原不藉粉香膩
歡容三載憐能幾又無端送將人去天涯迢遞
彷彿勞勞亭下路執手臨岐如醉衰柳外重重煙
水別有傷心描不盡但斜陽一片紅成淚應此後

易顛顛

時寫寒林
送遠圖

又

沒箇忘憂地嫁黔婁三年一瞬別時容易豈少閒
言閒語在悲不自勝而已誰說與天涯遊子種種
酸心畱夢想似春蠶死後絲難理沈痛處負知己
雙棲慣受天公忌又何須相思樹上訴哀如此
便放春光歸滿眼情豔於今盡洗癡絕處破除猶
未磐石千年長不轉判愁場歷徧酬卿意醒與醉
總非計

又

鏡裏居然笑笑關情無端至此謾誇年少定有一
番攜手地不用回生仙草只記取花前懷抱料得
傷心癡似我後身緣誤汝生天好判作箇同林鳥
年時醉向尊前倒為清歌添他淚落愁眉誰埽
華井蓮凋空覓蕩難得一絲還繞莫又被西風吹
了但是竝頭終有分任蓬萊淺向而今早思不盡
立殘照

向作竝頭蓮詞婦以換頭為
疑蓋亦心知其不祥也故及

附
題陳曾起孝廉悼亡詞後二首

黃 永

夜靜風清響佩環
粲珠仙子下塵寰
也知謫滿

歸天早翻恨情多住
世慳落絮飛花魂渺渺
春蘭秋菊淚斑斑
憑誰寄與仙郎道
華表千年有鶴還

一寸柔腸日九迴
閨房瑣屑數枚枚
縱知是事同流水
那得將心作死灰
塵掩香奩嗟手澤
蛩唵老壁即愁媒
曲成金縷歌還罷
恐惹慈姑淚滿顚

喝火令

過女
蕙家

不道憐嬌女徒牽死
後悲斷腸誰似峽猿啼
又見一痕青小魂在草煙低
阿母應偷傷幽泉亦汝

攜汝耶空有夢相依幾點殘陽幾點雨霑衣幾點
晚鴉初起拖得紙灰飛

虞美人

夕陽花意如人困愁絕黃昏近杏梁何事易成空
又是柳梢樓角下疎鐘 芭蕉幾葉聲無數窄地
聞疎雨清宵判只伴啼鴉縱使鈞天有夢也徒然

又 寄賀文天山

歌筵淒絕方回句不道愁如許江南又是熟梅天
負了月樓花院一番憐 閒來尋夢斜陽裏沒箇
忘憂地偶然弦外兩三聲那得吟魂還在淚團成

青玉案

荷珠

也能成串拈來否枉閒卻穿鍼手誰向露華勻染
就一痕纔了一痕還有攜得香魂走 鮫綃賣盡
空回首似清淚霑羅袖拾翠人來凝望久一番風
弄一番波縹愁絕圓難又

蹋莎行

蕉露

似掌擎來將酥滴就晶瑩一點疑無有綠天誰是
散花人可憐渴倒文園後 醉起心情夢回時候
早秋滋味嘗應透箇中甘苦曉窗知不堪紅日穿
簾又

減字木蘭花

宿臥雲軒呈龔節孫衛少雨兄

諸兄筆研幾誤春窗添繡線不櫛何妨但是書生
易斷腸 梧桐月影坐待天明秋未肯謝傅門庭
歌管朝來不要聽

小重山

萬里西風秋夜長算來猶未抵恨茫茫年時繡倦
一簾香穿芳徑閒與引鴛鴦 明月只如霜無情
渾不管是空房 一聲哀雁淚霑裳孤飛影何日得
成行

一萼紅

自題聽秋圖

幾曾真又何曾似夢蕭瑟不堪聞水淨痕收天高
影瘦看來如有前因最堪憐千林葉褪響西風和
雁落柴門壯士須驚騷人謾賦一樣傷神 情在
分明是錯便圖將好景待與誰論蟋蟀窠中芭蕉
心裏此時懷抱難分又贏得兒童拍手笑少年何
事不如人好便買花簪帽醉過三春

釵頭鳳

宿秋影山房

芭蕉雨秋如許三更未是消魂處三更後空亭又
一鉤斜月梧陰初透走走走 雙眉鎖愁如我合
歡牀上熏香坐無慘也鐙花謝殘碁猶在儘消今

夜下下下

桂殿秋

憐浪蕩悔風流當年惆悵事全休同心燭下無端
淚相對言愁那是愁

水調歌頭

二十
初度

惆悵竟何事少小謾雄豪不應隨地如此鎮日是
無膠曾說冰檐初解幾見桂叢偷放真箇雪芭蕉
為問姮娥意寂莫鎖雲霄
余生於小除前一
日庭桂時偶著花 簇辛盤將
改歲酒堪澆能狂應比癡勝瘦斷沈郎腰那得愁
添萬斛不道情深千尺心事付江皋知我梅花耳

夢裏暗香飄

憶秦娥

鶯聲碎簾外東風起花又媚惆悵無人同與醉
便孤斟圖得者番睡料峭寒猶未熏繡被閒夢年
時腸斷事

買陂塘

和曹文南耕
代悼亡韻

最無端竟牀長簟杜鵑枝上催曉畫堂春色依然
在可識鏡中人杳誰更照空想殺新妝滿面貪看
好雕闌細繞算是處曾經風鈴乍響猶認佩聲裏
遺鈿在香氣拈來暗繞為他縈盡懷抱黃泉碧

落尋常事那得夢魂重到思不了看又是萋萋寒
食愁芳草紅窗月早賸一片霏微梨花弄影腸斷
舊丰調

臨江仙

水蹙愁痕似織山含怨黛如勻吹香小院坐消魂
柳絲青一把離緒萬條新 又過清明天氣畫中
誰喚真真綵雲飛作陌頭塵燕知長歎意花照獨
眠人

好事近

吹恨是東風試問幾時纔了便擬蹋青歸去只花

前人杳 春來若箇解消魂相思自成調愁絕鴨
鑪灰冷賸心絲徐裊

夢橫塘

賦得開倚繡
簾吹柳絮

露收淺白日上鮮紅曉妝應是猶晚寂莫閒亭早
幾點楊花撩亂嬌倩風扶一般無力繡簾愁卷爲
依依欲墮小立移時如蘭氣還吹徧 狂蹤最苦
難憑便隨郎遠近到底分散此際飛來偏只向玉
人低轉又添得嫣然一笑似惜櫻桃口脂淺走馬
卿卿也應知有滿春窗幽怨

洞仙歌

寄唐
愚士

楊花榆莢亂隨春飄去芳草天涯又煙雨任重簾
不卷衣覆熏籠梁上燕也伴愁人無語 枋齋閒
更好摹了黃庭埽石桐陰訂茶譜可解我相思幾
怨青青遮望眼隔城雲樹但此夜鐘疎月低時化
小蝶尋香也應過汝

多麗

題紫霞閣

碧雲橫鴻天何處吹笙記纔過九靈房外畫船江
上重經受書來夫人方丈看花去阿母層城謾解
栖神偶思搔背楊君可也見來曾自那日綵鸞乘
燭歌罷夢還驚空回首無端小謫誤了三生 宵

憐人重開瓊笈插花舞向青冥啓塗纔朱衣入侍
朝元又紫蓋同行唾獺盤前擗麟廚畔一時齊和
鳳簫聲再休說人間天上此恨兩難平雲孃在添
將一笑句好須成

女冠子

白紈開鏡人與洞天霞映正無慘阿母傳金簡兒
郎倚玉簫 碧桃纔布影青桂又垂條定有千春
別肯相饒

又

十三四許贏得紫微傳語見來難賜姓誇天上知

名厭世間 小乖曾有約再過了無緣今夜空壇
月不勝寒

百字令

顧梁汾先生過訪

櫻桃紅也乍匆匆相見鹿孃山口說與落花風正
惡莫是釀來還又午春江上塗遇先生猥誦舊詞小病落花風釀之句宴罷吹笙文
成抽簞一笑從公後三年於此萬條愁對楊柳
不道草暗孤邨高軒重賦老興渾如舊誰惜王郎
年少日冷落當筵紅豆柿葉翻階鶯聲到枕好夢
吾何有甚時還向杜康橋下酤酒

南鄉子

病起西園醉後作

池館正新晴肯負春心嬾送迎得酒又來花底活
風輕午倦香吹已半醒聚散了無憑瞥眼風光
似隔生笑口乍開聽未足歌聲已為他年一涕零

南浦

舍東大士禪院家廢園也飲翠閣歸然獨存煙雲竹樹頗擅登眺之勝今春為風雨所敗葺之并題此解

蔓草冒荒臺賸雕闌幾簇牡丹芽細傑閣尚排空
谿雲上飲盡無邊幽翠斜陽過燕掠波還趁東風
起似說年時花月下曾逐舞裙垂地微塵千劫
難消又香殘貝葉禪關深閉愁絕舊家郎無情雨
送到一天清淚頰垣敗壁手題難盡淒涼意畱取
階前疎竹影冷挂月明如洗

風流子

過家椒峰
先生密圃

齊梁丘壑在城西路誰似落花閒早翦取半江飛
來一片雨橫漁艇月掩禪關分明是隱淪尋谷口
瀟灑過斜川語鴨射來啼鶯打起白蘋風動梧竹
爭喧 著書人纔倦憐絲鬢榻繞茶煙門外從教
問字載酒須還但時序百年寸心空切文章千古
此事堪歎可許阿咸無賴醉看春山

買陂塘

同陸次雲大令賦得
陰陰夏木轉黃鸝

小亭邊綠陰清晝雨餘幾樹如洗飛來一對金衣
淺愁坐井梧煙裏嬌不已便滑甚真珠脫線圓無

比隨風暗遞似妒殺新蟬一聲斜裏猶是惱人意
春窗下偷得工夫好睡無端幽夢驚起天涯欲
到何時到山枕兩行清淚聽至此笑那日歌喉也
似而今脆離懷解未把紅豆拈來打將花外又度
柳絲底

南鄉子

生水國慣吳歌落花飛絮滿漁蓑霜刀縷切憐雙
鯉閒滋味為有書中相憶字

又

長解笑是鴟夷贈人何用網西施雙棲好耐風波

大船頭坐笑向鴛鴦湖上過

又

波澹澹月彎彎曉風吹去又吹還女兒浦口如眉
柳春來瘦河伯幾時還娶否

又

曾貫月是浮槎煙波不惜去程賒一泓海水雙橈
舉憐龍女又折柳條燒燕去

歸田樂

仙也得桂影森森橫一抹花如此露如此清欲絕
一聲歌最苦月西沒向曉見飛瓊在人間風流

別又誰要天邊知我是郎知我切

好事近

十五已知愁正是王昌初嫁不爲陌頭楊柳也不
封侯罷一鉤新月半含花風流最堪畫休說春
光難買便秋來無價

驀山谿

送秋

淒涼生性難作東風主已判向秋光聽一片梧桐
疎雨蕭條至此飛卻隴頭雲并落葉也無聲賸得
愁如許涼侵枕簟猶記心兒苦不道有情癡依
舊似春歸偏遽卷簾人在真箇易消魂憐一夜是

黃花力盡香魂去

喝火令

千蝶縈羅帳雙鴛簇錦茵卸頭時候月華新
厖也吠來花外看取夜歸人小膽應非假微詞可是
真也知夫婿近浮雲似此無言似此兩眉顰似此
悶和衣擁悔殺被兒熏

少年遊

癸酉上元
前二日

錦幃香裏冰簾月過夜色滿空亭帕裏柑兒分來
杯底重試隔年鐙一旬春到寒猶在門外阿誰
行人似梅花閒攜素手何處管弦聲

過秦樓

上元

凍雪消痕暖風吹影春色嫩如青草燒鐙院落
擷笛谿橋最喜晚晴天好三瓊兩瓊休辭門外遊人
去來偏早又雕輪慢轉冰簾低揭暗牽懷抱還
試問列炬誰家聽歌何處怪底六街爭鬧幽坊小
曲畱與多情月上柳梢尤妙曾翦同心燭兒猶認
當時疎狂年少拾遺鈿在手添向梅邊一笑

南浦

春夜演
牡丹亭

細雨落花天繡簾開幾縷衣香吹透春色正嫣然
憑誰說愁思不勝殘酒銷魂院本筵前還與拈紅

豆腸斷牡丹亭畔路又引淚痕霑袖
東風休信多情但飄綿拂水便成烏有纔聽一聲歌梅梢影
已似畫堂人瘦關心到此那須敲枕無慘後鐙下
相看渾似夢也只小眉長鬪

探春

寒食橫山紀遊

店舍煙消谿橋雨歇寒食家山如畫西岸行來陂
陀未了一抹美人眉也黛色侵衣處即此是芙蓉
湖下將軍墓草還青可憐人散春社茶向路旁
堪借正午倦心情不禁遊冶佛閣偷憑東風吹過
隱隱鈿車羅帕一片桃花影付燕子淒涼閒話已

近清明也應愁到無價

九張機

蕩簾鉤東風喚起翠蛾愁牡丹亭外薔薇架蝶深
深舞燕生生語各自逞風流

又

慣無眠小園況是晚晴天不分明處參差影穿簾
月澹倚簾人瘦煙水落花間

虞美人

上江

等閒鐵鎖千尋斷不斷深閨怨天涯何用少年遊
誰與料量春水似春愁載兒夫壻船何在莫似

人心改可憐有夢不曾離今夜月明江上手重攜

二郎神

揚州

蕪城路弔不盡秣華如許迤邐見選樓縈野蔓迷樓也美人黃土春草秋風吹幾徧便畫出參軍一賦且自向紅橋貫酒醉聽江潮催暮行處珠簾掩映一痕眉嫵可便是瓊花零落後尚賸得香魂偷聚傷別傷春千載意又誰似憐才節度笑街子何心擊柝聲中良宵休去

玉樓春

歸期拍向春纖冷定不憐人宵又永隨風萬里夢

偷尋殘月何勞窗下等棲香只合常交頸小語落花煙滿徑空房易響淚霑巾悔未霑郎衫後影

又

小釵落鬢愁無力帶縮同心能幾日一簾花雨控金鉤又向迴廊深處立池塘幾點荷錢碧難蓋鴛鴦空露滴妾心原不似浮萍付與東流西也得

臨江仙

花榭

謝了荼蘼愁欲絕一枝籬外嫣然同車曾見玉人顏不成春去還有十分妍滑甚帽檐簪未穩花奴韻殺當年海棠睡起也應憐阿誰搥鼓催向曉

霞天

少年遊

困來叉手繞池塘燕子又飛忙數了花鬚拈將果
鼻閒事好思量誰家燒筍香如許馬蹟小山房
蕉影侵簾蠶聲撼壁鬧殺是風光

荷葉杯

荷葉田田初吐和雨摘來時一絲牽作兩頭恨休
問爲分攜

阮郎歸

不聞人語但茶煙碧來祇可憐如花只在枕函邊

厭厭那是眠追舊夢恨絲絲肯教心事閒便將
顛顛答從前此時先惘然

卜算子

玲瓏艾虎紗玉臂分明見已是將身付與郎那復
紅生面時節榴花徧舊色迷人眼雨後無端易
淺深只莫把心兒變

疎影

野田
螢火

隋隄晚翠見溼螢幾點低擲如米衰柳殘荷一片
蒼茫纖影亂翻煙際誰教別浦成團去又繞徧吳
孃船尾避暗風荻岸驚棲覩破草蟲吟細閒想

輕羅小扇畫屏秋正冷撲向簾底月過橫塘獨自
愁看也覺涼生如水無端野蔓迷歸路可可是
一痕飛起便袖來鴛帳籠伊恰照夜深花睡

清平樂

鯉魚風大葉葉雲吹破一霎豆花新雨過隄外鴉
翻千箇已消欲漲方塘乍無似有斜陽不道半
衰楊柳望中疑是初黃

高山流水

泊荆谿留宿家求夏
兄西樓鐙下分賦

遠山慣向屋頭青步斜陽同說生平展席俯長流
居然有酒如澗前谿路漸少人行黃昏雨和了西

風落葉又滿空城且熏將大被翦得燭花明閒
評天涯幾離合多半為誤逐浮名撥盡水沈煙鬪
他茗椀縱橫問今宵有底關情只愁是春草池塘
正綠畫角催醒挂輕帆一幅回首曉雲平

南鄉子

元下

只有七分寒一兩三分尚可憐烏柏葉邊霜未苦
更闌愛月還能檻外看真箇似春天小婢桃枝
作意妍幾朶著花深樹底紅鮮鑪節朝來不枉然

憶秦娥

去去去了還回顧蘭舟風靜帆收淚未收小橋

定有尋人夢只怕霜威重關情此夜應知醒不成
又

聲蕭索一片西風惡閣閣打向心頭驚曉柝凍
鴉初醒亂林薄從此翻飛各漠漠柳岸愁看山月
落

又

門纔出何時便作燕山客燕山客眼前還有亂峰
千百而今辛苦盼天涯分明又似歸心急歸心
急車如流水尚嫌斜日

憶王孫

帽檐一線夕陽浮凍柳寒鴉相對愁小立風前憶
舊遊落花秋爲送斑騅人倚樓

栩園詞弁彙卷二



林園書苑藏書

二

程